



Ve chi, ancje par cheste setemane, la soluzione dal nestri preseât Garzon de Ostarie. La conte e je la numar 11

Soluzion

Autôr: *Domenico Cerroni Cadoresi*

Titul originâl: *Le antiche magie*

Titul originâl de conte: *Alba, giorno, notte, alba*

Tradutôr dal originâl: *Il Garzon*

Notis:

Une conte particulâr, e straordenarie, cheste di Domenico Cadoresi, plui cognossût salacor come Domenico Cerroni o, in maniere plui semplice, tal ambient scolastic, come "Cerroni", grant professôr di storie e filosofie al Stellini fin al 1983 e une sorte di "Marcuse" udinês tai agns ator dal '68. In cheste conte, l'autôr si svicine al mont contadin intune maniere che no si spietisi, cence psicologjisms di sorte, limitantsi a cjalâ, sintî, nasâ... cuntun lengaç e une strutture de conte une vore originâi. Nol ven esprimût nissun judizi sui personaçs e dut al è lassât, par chest cont, ae imagine che il letôr si costruîs te sô cussience. Par cui che al à di chescj guscj, al ven di fâ un riferiment cuasi naturâl ae fenomenologjie, in ambit filosofic, e al "nouveau roman" e ae scuele dal "regard", in leterature. Ma la leture de conte e je plasevule par so cont.